

113 學年度第一學期 七年級 本土語補考試卷

- 請抄第三課〈人恰獅〉課文一遍
- 文字請保持工整，若無法辨識或過於潦草需重新罰寫。

一个少年家欲去市內揣頭路，拄著一隻獅擋佇半路，閣發出真恐怖的聲音，伊驚甲強欲軟跤。毋過斟酌聽，獅的聲音聽起來敢若真艱苦，少年家雖然兩肢跤吖吖掣，嘛是沓沓仔行過共看覓。原來獅的跤去予一枝刺鑿著，當咧流血。獅看著少年家，目睷隨金起來，伊勻勻仔共著傷的跤伸去少年家的面頭前……。

少年家看獅遮爾痛苦，有淡薄仔毋甘，就共彼枝刺拔起來，閣共受傷的所在糊藥仔。獅慢慢仔倚起來，共少年家頌一下頭，表示感謝。

後來，少年家去到市內，真緊就揣著頭路，想袂到做無佻久，頭家煞誣賴伊偷提錢，共伊送入去監獄。法官尾仔判伊死刑，愛恰野獸關做伙，予野獸共伊咬死。

恰少年家關做伙的是一隻獅，這隻獅跛咧跛咧行到少年家的面頭前，雄雄跪落去，尾溜閣一直搖，逐家攏看甲霧嗶嗶。原來，這隻獅就是過去少年家救的彼隻。

法官知影獅恰少年家的故事了後，認為少年家是一个善良的人，就改判伊無罪，而且閣共伊恰獅攏放出去。

這就是人咧講的：「好心有好報」。